

NO. SOALAN : 59

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB. TUAN R. SIVARASA
[SUBANG]

TARIKH : 8 JUN 2015

SOALAN :

YB. Tuan R. Sivarasa [Subang] minta **MENTERI PELANCONGAN DAN KEBUDAYAAN** menyatakan semua langkah-langkah yang telah dan akan diambil oleh Kementerian untuk memastikan bangunan Vivekananda Ashram dan kawasan 100 kuarters di Jalan Rozario di Brickfields, Kuala Lumpur akan diwartakan dan diberi perlindungan penuh sebagai warisan Tier I di bawah Akta Warisan Negara 2005.

JAWAPAN : DATO' SERI MOHAMED NAZRI BIN ABDUL AZIZ
MENTERI PELANCONGAN DAN KEBUDAYAAN

Tuan Yang di-Pertua,

Untuk makluman, Kementerian Pelancongan dan Kebudayaan melalui Pesuruhjaya Warisan sedang terus menjalankan proses untuk mewartakan bangunan Vivekananda Ashram. Prosedur pewartaan menurut Akta Warisan Kebangsaan 2005 (Akta 645) perlu dipatuhi. Ini juga bermaksud tempoh yang telah ditentukan untuk pelaksanaan sesuatu peruntukan seperti ruang untuk Bantahan, pelaksanaan Pendengaran serta pematuhan terhadap keperluan peruntukan dalam Akta perlu dipatuhi bagi memberi hak saksama kepada semua pihak sebelum apa-apa keputusan dibuat bagi maksud pewartaan.

Pada 19 Mei 2015, Pesuruhjaya Warisan telah mengadakan sesi Pendengaran terhadap Bantahan ke atas pewartaan bangunan Vivekananda Ashrama. Asas bantahan tersebut ialah kemosyikilan pemilik sekiranya tapak tersebut diwartakan sebagai warisan maka sebarang pembangunan baru tidak dapat dijalankan ke atas tapak tersebut. Keputusan Pesuruhjaya Warisan terhadap Bantahan tersebut akan dibuat setelah mengambil kira kepentingan cadangan pewartaan bangunan tersebut serta pandangan-pandangan lain daripada pelbagai pihak.

Manakala bagi 100 Kuarters keputusan telah dibuat untuk tidak mewartakan kawasan fizikal tersebut, namun sejarah kewujudannya direkodkan sebagai salah satu kaedah pemuliharaannya melalui dokumentasi.

Sekian, terima kasih.